

## 【附錄三】丘逢甲發表於《清議報》詩作彙錄與異文

※（）內的字是《丘逢甲集》的版本。

1、《清議報》<sup>1</sup>第12號光緒25年3月11日〈題酸道人風月琴尊圖〉：《丘逢甲集》收錄於光緒24年（卷4）頁302詩題爲〈題風月琴尊圖爲菽園作〉

天風吹琴（琴）作變聲，舉尊喝月月倒行。是何年少發奇想，海天漠漠扁舟橫。七絃誰遣補文武？九醞誰教變儀杜？人間又見懷葛民，此琴此尊兩太古。古風不作古月沉，青天碧海愁人心。詩中說酒十八九，寄愁更撫無絃琴（琴）。琴（琴）斲寒厓老桐幹，焦尾先聞爨下歎。手中之尊何丹黃？誰知半作溝中斷！五湖久厭扁舟游，眼中（前）突兀大九洲（州）。有風月處便小泊，素琴（琴）自鼓青尊留。君絃忽新臣絃舊，宮聲頓啞數窮九。舍風不御月不捉，悲歌扣舷速呼酒。此時之風雌不雄，月生月死天夢夢。眼看海水忽四立，黑風驅月西回東。振徽未忍琴（琴）碎玉，皇羲授我新翻曲。一彈再鼓八風靖，月照瑤尊酒光綠。攜琴不上謠（歌）風臺，紛紛猛士皆麤才。即看賦月亦詞贅，瑣屑文譙張尊壘。何如移尊酌滄海，夜半琴（琴）聲行大蠡（蟹）。風輪轉地月轉天，萬里雲霓發奇彩。呼風入琴（琴）月入尊，揮斥八極開天閭。封姨對花不能虐，羿妻竊藥不敢奔。琴不必響泉作記，尊不必窪中銘字。風月常新遍留印，席地幕天知許字（事）。誰與（歟）圖者酸道人，誰與（歟）歌者倉海君。聞歌九天下廣樂，披圖四海生酒雲。吁嗟乎！男兒生當繳大風、射妖月，聽奏鈞天醉天闕。下贊虞琴鼓瑤陛，手酌衢尊萬方悅。不然吟風弄月亦可嗤。逕當浮海從宣尼。海山學鼓《猗蘭操》，百觚侍飲隨鳳嬉。安能鬱鬱久居此？琴絃不張尊酒止。驚風烈烈月睽睽，老我愁心大海水。誓刃（一作終）海若縻天吳，道人得我道不孤。鳴絃（一作琴）著我酒船裏，更寫平分風月圖。

2、《清議報》第23號光緒25年7月1日〈雜詩〉三首錄一：《丘逢甲集》收錄於光緒22年（卷2）頁184詩題同

<sup>1</sup> 梁啓超《清議報》12冊，台北，成文出版社，1967。

天雞不能雄，牝雞代為鳴。膊膊（膊膊）復膈膈，豈云非惡聲？壯士誤起舞，慨然赴功名。失身一非時，甚（其）辱甯（寧）為榮。枕戈夜未旦，素月當天行。圓（團）團此皎魄，中有妖蠹（蠹）生。得地遽僭妄，吞噬虧陰精。諸仙并（並）束手，坐令天偏盲。憑月（日）復有烏，翳日失其晶。安知豢養物，乃起為禍萌。蒙蔽苟不知，安用天聰明？知之不能去，容位（使）終古橫！

3、《清議報》第27號光緒25年8月11日〈秋感前八首〉戊戌稿：《丘逢甲集》未收錄此詩作

痛哭空山最上頭，團欒明月負中秋。黃塵眯眼成新劫，青史填芻古愁。  
海外幻民紛吐火，人間王母妄傳籌。橫流滿目無安處，淚灑鄒生大九州。

空山鶴警起霜鐘，一枕邯鄲夢正濃。豈有蒼生望安石，但云新法誤神宗。  
中原竿木愁分鹿，上郡衣冠詫駕龍。萬里風煙秋氣勁，甘泉聞說夜傳烽。

漠漠燕雲望眼迷，九關秋閉阻雷車。飛符有詔搜行客，侍櫛無人諫大家。  
萬騎防秋歸宿衛，百官陪列拜充華。夢中鸚鵡能言語，愁說黃臺再摘瓜。

野死幽囚事豈真，竟傳蜚語惑愚民。蔓抄未定移宮案，莽伏須防跋扈臣。  
西日駒馳憂過隙，東雲龍出阻攀麟。中興將相張韓盡，誰是平江對哭人？

遺偈爭傳黃蘗禪，荒唐說餅更青田。戴鰲豈應遷都兆？逐鹿休訛厄運年。  
心痛上陽真畫地，眼驚太白果經天。祇憂讖緯非虛語，落日西風意惘然。

漫說才奇禍亦奇，是非朝議到今疑。違天憤血埋萇叔，去國扁舟異子皮。  
一網幾成名士獄，千秋重勒黨人碑。出門未敢輕西哭，時局驚聞似奕棋。

變徵聲中起白虹，千門萬戶冷西風。丁沽警集飛雲舸，甲帳寒生救日弓。

忍把安危累君父，竟將成敗論英雄。望京樓上孤臣泣，殘月天南聽斷鴻。

萬山寒色赴重陽，莽莽乾坤意黯傷。敢說巨君媚文母，未容孝孺問成王。  
東周紀月秋多域，西極占星夜動狼。笑指黃花亦時勢，金英開遍島臣章。

4、《清議報》第28號光緒25年8月11日〈苦雨行〉：《丘逢甲集》收錄於光緒22年（卷2）頁187詩題同

雨師晝夜驅龍行，一雨三月無停聲。烏沉兔沒不敢出，仰視天日長冥冥。  
冬寒凜烈春未已，浸淫木氣渾歸水。稚陽欲茁老陰遏，乃張母權侵厥子。  
寒風吹天不肯高，陰雲四壓天周遭。媧皇補處今畢漏，石鍊五色難堅牢。  
盡傾海水向天半，驚波怒濤滿空散。竟無一片乾淨土，著足大地成泥爛。  
雄雷噤斷鳴雌雷，百蟲胸縮戶不開。花藏柳匿避雨氣，雖有羯鼓安能催？  
物過為淫極必反，下士談天嘆（歎）天遠。恐將降魃來止雨，倒行逆施兩俱損。  
不然不日復不月，地晦天昏寒水發。幾疑世將入混沌，待起盤古冢（塚）中骨。  
欲書綠章上青帝，請收政權屏陰翳。膏雨和風各聽令，萬方重紀歲華麗。

5、《清議報》第30號光緒25年9月11日〈秋感後八首〉戊戌稿：《丘逢甲集》未收錄此詩作

鶴書赴隴正紛紛，誰料空勞覓舉勤。菜市歐刀酬國士，蘆溝襍被散徵君。  
垂簾求革青苗法，入衛能添白荔軍。贏得老儒同贊歎，篝燈重理說經文。

浮雲西北望長安，轉綠回黃眼倦看。堂額競除新學字，門封重揭舊裁官。  
早知秦相能相壓，何有商君苦用鑽。孤負至尊憂社稷，千秋疑案說紅丸。

萬方憂旱待甘霖，駭說神龍痼疾深。孝惠自因高后病，叔文終誤順宗瘡。  
刊章畢反中朝汗，問鼎偏生敵國心。吟客哀時頻悵望，西風殘照滿秋林。

秋肅春溫總聖恩，不須公論白沉冤。荷戈竟歷新疆苦，得柄真輸舊黨尊。  
荐士詩休誦韓愈，逋臣迹已等張元。獨憐枉作無名死，中有文忠繼起孫。

膠東海警接遼西，何意南來道更迷。五虎門開集兵艦，九龍城近啟九泥。  
攫金有士儕秦狗，戰水無車等越犀。數往愁聞康節語，天津橋上杜鵑啼。

悲秋有客臥江城，難遺蒼茫百感情。河決未消黃水勢，民飢易起黑山兵。  
石人敢信因謠出，金狄真愁應讖生。時難年荒正無那，況堪江上鼓鼙聲。

滿城落葉晚蕭蕭，磊塊憑誰藉酒澆。玫瑰禍胎張景教，芙蓉毒燄爛花妖。  
悲歌燕市悽寒日，抉眼吳門 怒潮。留作遺臣千古恨，神州亂本未能消。

不獨江南可賦哀，傷心聊復此登臺。佯狂伯虎全生命，改制公羊是黨魁。  
從古詩材兼史作，漫天秋色送愁來，廟堂且展安天手，莫把科場鬧秀才。

6、《清議報》第32號光緒25年11月11日〈題星洲寓公看雲圖〉：《丘逢甲集》  
收錄於光緒25年（卷6）頁410詩題同

看雲不作狄梁公，屈身幾以牝朝終。看雲不作杜陵翁，許身稷契仍詩窮。  
男兒生果抱雄志，眼光到處古人避。我所思兮大海南，島上看雲有奇士。  
丹青貌形不貌神，茫茫雲（四）海誰寫真。直取乾坤萬古眼，化（寫）入  
一氣相氤氳。陽雲出冬陰雲夏，魯馬趙牛物交化。置身雲外看雲中，雲之  
君兮紛來下。眼前所見雲非雲，中有看者精神存。古今萬事雲變滅，嗟哉  
郁郁何紛紛！不見卿雲亂縵色，但見浮雲蔽西北。坐令下士懷百憂，高天  
無青日不白。平生長劍（劍）空倚天，未能劃斷雲連綿。亦知陰霾勢非久，  
其奈勃鬱當吾前。登高邱（丘）兮望遠海，八表停雲有人在。世間難得吉  
祥雲，望氣空憐成五采。九淵沉沉蟄者龍，雲兮雖起將（當）誰從？雷霆  
收聲電收影，極目（眼見）閉塞將成冬。天地心留畫圖裏，雲生海山吸海  
水。淋漓元氣大九州，霖雨蒼生臥龍起。

7、《清議報》第32號光緒25年11月11日〈題無懼居士獨立圖〉：《丘逢甲集》收錄於光緒25年（卷6）頁387詩題爲〈題蘭史獨立圖〉

舉國睡中呼不起，先生高處畫能傳。黃人尚昧合群理，詩界差存自主權。  
胸有千秋哀古月，目（眼）窮九點哭齊煙。與君同此蒼茫意（況），隔海相看（望）更惘然。自註：余（予）亦有「獨立圖」。

8、《清議報》第33號光緒25年11月21日（殺鴉行）：《丘逢甲集》收錄於光緒24年（卷4）頁267詩題同

城根潮齧樹半枯，天陰月黑啼訓狐。飛瞰屋山嚇黃小，微（徵）凶（凶）召青聲鳴鳴。潮州老守行春政，一紙朝頒磔鴉（梟）令。萬戶無聲春柝嚴，夜伏空山依破鏡。嗟哉人中亦有鴉，東山風雨愁飄搖。人間惜少惡溪檄，畀出濁水公為妖。丹山鳳去梧桐老，海上紛來九頭鳥。安得枉矢掛陰弓，風毛雨血滄溟東。

9、《清議報》第33號光緒25年11月21日〈聞海客談澎湖事〉：《丘逢甲集》收錄於光緒24年（卷4）頁268詩題同

絕鳴（島）周星兩受兵，可憐蠻觸迭紛爭。春風血漲珊瑚海，夜月燐飛牡蠣城。故帥拜泉留井記，孤臣掀案哭雷聲。不堪重話平臺事，西嶼殘霞愴客情。

全臺門戶此雄礁，三載前仍隸大朝。斗絕勢成孤注立，交爭禍每彈丸招。尚書墓道蠻雲暗，大令文章劫火燒。我為遺民重痛哭，東風吹淚（淚）溢春潮。

10、《清議報》第35號光緒26年1月11日〈東山感秋詩六絕句次汀州康步厓中翰詠癸巳題壁〉八月六日作：《丘逢甲集》收錄於光緒25年（卷6）頁405詩題爲〈東山感秋詞次康步崖中翰題壁韻〉

痛哭秋風又一年，觚稜（稜）夢落楚（練）江天。拾遺冷作諸侯客，袍笏空教（山）拜杜鵑。

天涯心逐白雲飛，瑟瑟秋蘆點客衣。回首大宛山上月，更無緘札問當歸。（先母墓在大宛山）。

斜日江聲走急灘，殘棋別墅局方難。後堂那有殘（閒）絲竹？陶寫東山老謝安。（東山在潮陽縣東三里，綿亙六十里。練江在潮陽南，源出雲落山，東入海。）

寒蛟海上趁人來，漠漠秋塵掃不開。滿目桑田清淺水，五雲樓閣是（失）蓬萊。

冷落山齋運甓身，天門八翼夢無因。西風吹起神州恨，塵尾清談大有人。

老（萬）樹秋聲撼睡童，讀書情趣遜歐公。挑燈自寫紉蘭句，一卷《離騷》當《國風》。

11、《清議報》第 35 號光緒 26 年 1 月 11 日〈和獨立山人論詩韻二律〉：《丘逢甲集》收錄於光緒 25 年（卷 6）頁 389 詩題為〈次韻和蘭史論詩〉

曠代元音未寂寥，羽毛重見起雲霄。幔亭絲管千峰月，珠海旌旂（旗）五夜潮。故國芙蓉頻入夢，小山叢桂儻相招。論詩自寫懷人句，風雨荒雞意更遙。

落落英雄並世難，中原旂鼓付詩壇。泰山在望吾終仰，滄海橫流孰與安？鵑隱故巢留客拜，鶴歸華表話年寒。東風吹醒才人夢，銀燭清尊把劍（劍）看。

12、《清議報》第 38 號光緒 26 年 2 月 11 日〈再疊龕字韻五首奉寄星洲香海〉：《丘逢甲集》收錄於光緒 25 年（卷 6）頁 409 詩題為〈寄蘭史曉滄菽園用小滄韻〉

窟室聞鐘酒正酣，將軍組練罷西龕。已憂朋黨逾河北，更遣王庭渡幕（漠）南。急政誰求梅尉傳，禍萌何止霍侯驂！漢家未有登封日，留滯休嗟太史談。

軍中草檄筆空酣，神理虛存暴未龕。祇見螺舟來海外，未容馬柱表交南。  
瑤章競託三青鳥，羽衛翻勞二白驂。收拾眾言（《罪言》）注《孫子》，更  
無兵奧（許）牧之談。

臺上歌聲起半酣，茫茫項定與劉龕。豈真漢厄逢三七，曾（終）見堯封暨  
朔南。誓罷貓仍容武鼠，夢回虎已齧（嚙）羸驂。百王道在焚難盡，數典  
偏憐有籍談。

天漿傾漏（倒）帝沈酣，西奈神來佛讓龕。自轉雙輪刪合朔，別傳十誡貶  
和南。看（尋）山久已迷靈鷲，問道真疑到劇驂。至竟大同新運在，老生  
莫自厭常談。

喝月呵雲興正酣，頗聞海上有仙龕。單（置）身敢在中賢下，避地仍居北  
斗南。石室搜殘神禹簡，金天留駐蓐收驂。欲將虎鼠龍豬意，喚起東方與  
釋談。

13、《清議報》第40號光緒26年3月11日〈與平山近藤二君及同志諸子飲香江  
酒樓兼寄大隈伯相犬養先生〉：《丘逢甲集》收錄於光緒25年（卷7）頁457詩  
題為〈與平山近藤二君及同志諸子飲香江酒樓兼寄大隈伯相犬養春官日本東京〉

誰挾強亞策？同洲大有人。願呼兄弟國，同抑虎狼秦。慷慨高山淚，縱橫  
大海塵。支那少年在，旦晚要維新。

14、《清議報》第40號光緒26年3月11日〈歐冶子歌贈伊广主人〉：《丘逢甲集》  
收錄於光緒25年（卷7）頁456詩題為〈歐冶子歌〉

噫嘻乎嗟哉！魔風夜扇大海水，妖鳥西飛金兩翅，飛啄凡（群）龍龍不（半）  
死。神龍不死何時起，金仙鉛淚流不止。此劫茫茫古無似，不數漢家燕啄  
矢。誰為鑄劍殲厥妖？當代吾思歐冶子。于（於）時日蝕團黃月魄（華）  
紫，迺（乃）采天精挾地髓。天帝下觀萬靈侍，雷公、電母、風伯、雨師  
聽驅使。祥金晨躍（躍出）洪鑪裏，鑄成雙劍神無比。崑（崑）崙為礪沃  
礁砥，山（陸）斬虎獅海（水）剗兕。妖鳥哀號張大觜（嘴），群魔待（乞）  
命等羊豕。一揮再揮試神技，乃使五洋沉軍艦、六洲平戰壘。于（於）時

天地乃清甯，璧合兩輪（二儀）珠五緯。告太平者有太史，一統之朝古無此。神劍依然發刃始，老我不才稱劍士，布衣長揖歸田里。噫嘻乎嗟哉！當代吾思歐冶子。

15、《清議報》第43號光緒26年3月11日〈星洲贈姜君西行〉：《丘逢甲集》收錄於光緒26年（卷7）頁463詩題爲〈星洲喜晤容純甫副使(閱)即送西行〉

吾國有爹亞，將為歐美游。艱危天下局，慷慨老成謀。新運開三世，雄心遍五洲。南華樓上話，一夕定千秋。  
七十尚如此，吾徒愧壯年！排雲叩閭闔，救日出虞淵。異域扶公義，神州復主權。東之原未老，終仗力回天。  
廿載知名久，相逢瘴海春。亞洲數先達，嶺表有奇人。南出終張楚，西行更哭秦。風雲看勃鬱，萬里送飛輪。

16、《清議報》第43號光緒26年3月11日〈題駱賓王集〉：《丘逢甲集》收錄於光緒26年（卷7）頁457詩題同

義師散後遜僧寮，老抱雄心託浙潮。此筆江河流萬古，多因曾檄偽臨朝。  
鳳閣鸞臺宰相忙，此才竟令落蠻荒。若將文字論知己，惟有當時武媚娘。

17、《清議報》第43號光緒26年3月11日〈紀事〉：《丘逢甲集》收錄於光緒26年（卷7）頁458詩題同

閭闔沉沉路不通，封章空自效愚忠。人間漫詫朝陽鳳，已落羅鉗吉網中。  
何止誅求在市租，上供祇道急軍需。相公南下紆籌策，報國居然仗博徒。